

de Vulewapper

OETGAVE VAN SJTADSVASTELAOVESVERENIGING D'N UUL REMUNJ



Niek d'n Eerste

JEUGDPRINS D'N UUL 2017

LEEF UULKES EN UULINNEKES EN NETUURLIK OUCH LEEF 'ALLE ANGER KIENJER OET REMUNJ EN ÓMGAEVING'!

Dit jaor is de Uulewapper ein groot feesnómmen:


- ✓ Dit is de 11de Uulewapper,
- ✓ De Jeuggarde besjiteit 1 x 11 jaor,
- ✓ D'r sjiteit weer eine geweldige WOW-deal in veur de geweldige Kienjermusical,
- ✓ D'r is eine nuuje Top 3 van beste aetzake in Remunj,
- ✓ Oze Max op waeg nao Hollywood.

De Uulewapper van dit jaor sjiteit dus weer duchtig vol en dus höb geer weer duchtig get te laeze en te bekieke. En det neet allein in de Uulewapper. Biej sommige sjökskes zolt geer ouch zogenaamde QR-codes zeen sjitaon. As geer die code mit eine QR-scanner op de smartphone scant, kint geer online nog meer bekieke euver det óngerwerp.

Heel väöl laes- en Vastelaovespleezer! *Juulke*

ÓNGER DE AARDRIJKSKUNDELES
VREUG DE JUF IN WELKE SJTREKE
D'R NOG MIENSEAETERS ZEEN.
NIEK SJTEIT OP EN ZAET
"AAN DE BELZJE KUS, JUFFROW".
DE JUF IS VERPAPZAK EN VREUG WIEJ
NIEK DAO BIEJ KUMP.... "SJTEIT IN ÓS
AARDRIJKSKUNDEBOOK, JUFFROW"
ZAET NIEK. "HIEJ SJTEIT LETTERLIK
DET DE BEWONERS DAO LAEVE VAN
DE TOERISTE!"

MOPKE!



WOWDEAL!

**VEUR DE KIENJER
VAN D'N UUL. VEUR
€ 9,- KRIEG GEER:**



- 1x antree Kienjermusical
- 1 jaor graties lid van D'n Uul
- nog 'ne Uulewapper

Deze WOWdeal llop van 15 toet 19 fibberwarie



Alaaf Limburgia

De prizzentator op teevee
En ouch de journalis
De zegke dich noe gans precies
Wie laat of 't noe is

Ederein verheug zich weer
Op dae biezónjre tied
Veer zinge noe oet volle bórs
“t is weer zo wied”.....

Refrain:
Alaaf Limburgia
Vastelaoveslandj
Veer höbbe allemaol
't Hert aan dich verpandj

Alaaf Limburgia
Veer höbbe dich leef
Doe maaks det ederein
Drie daag op wolke zjweef

De kienjer kriege in de klas
Weer vastelaovesles
De sjtrentste óngerwiezer
Waert obins 'ne humoris

Ederein is in de weer
Van Eijsde toet in Mook
Limburgia Limburgia
Dich bös 'n aope book

Refrain

Dien vastelaovesshow
'n Prach scenario
Limburgia bravo

Refrain 2x

Alaaf Limburgia
Veer höbbe dich zo leef

Uulesjlager 2016-2017



Netuurlik is der ouch dit jaor weer
'ne Uulesjlager.

Op 't eerste Uule ivvenement van
dit sezoen, "Aad op Nuuj" op de
10de van de 11de, waas deze nuje
Uulesjlager metein nao de äöpe-
ning van 't nuuj vastelaovessezoen
óm 00.04 oer 't eerste leedje det
waerde gezónge.

't Leedje hit Alaaf Limburgia en
waert gezónge door Sám Smits &
Patrick Gerets. De teks en meziek
zeen gesjreve door Gus Smeets oet
Valkeberg. Sám kint geer mesjien
nog neet, mer Patrick waarsjien-
lik waal. Dae had twintjig (!) jaor
geleje in 1997 al de Uulesjlager mit
'Oet de waeg, aan de kantj'.



AMMEZASIE VASTE IS EIN GROTE TRA

**"Ammezasie...
Vastelaovend is ein grote traktasie!"**


Dit is de liefsjpreuk van oze nuje Sjtadsjeugprins Niek I Laarmans. Hae zal deze vastelaovend same mit zien twee adjudante Steef Heuvelmans en Krijn de Groot gaon viere. 't Zeen gooij vrunj, ze sjpele väöl mitein en ze viere same väöl feesjes. Daoróm wille ze ouch heel gaer same Vaste-
laovend viere.

Niek is woonsdaag 22 fibberwarie 2006 in 't ziekenhoses gebaore en haet ziene eerste Vastelaovend in 't kraombèd gevied wó de kraomverzorgster edere morge zingend binne kwaam mit "Dat zit bie ós in de femilie en dat kristie neet meer droet....". Noe, persies 11 jaar later zal hae op dezelfde woonsdaag veur de Vastelaovend weer jöörig zeen, mer dit jaor as Sjtadsjeugprins Niek I ! Niek is de zoon van Aad Jeugprins Serf I en Karin Laarmans. Niek is de grote broor van Sam, dae 8 jaor is en Aad Jeugprins biej Kinjerdaagverbliif Koekeloere. 't Prinselik gezelsjap woont in 't Vriejveldj in Remund. Niek ziene pap is ouch Aad Adjudant van Bacchus 2003 Rob van Deurzen en Aad Adjudant van Aad Sjtadsprins Paul II Hamers.

Niek haet altied erg van Vastelaovend gehaje; det zit ech bijje häör in de femilie. Eder jaor waert 't dan ouch same good gevied. Ziene grote druim óm Sjtadsjeugprins te waere is noe oet-gekómme. Niek zit same mit ziene adjudant Steef Heuvelmans in groep 7 van de Willem de Zjwieggersjool biej juf Marina en juf Gonny. Same höbbe ze väöl vrunj. Nao sjool waert ter gevoetbald en gegamed, op de Playstation 4 of achter de laptop, en ouch waere der väöl filmkes bekeke op Youtube. Door de waek is Niek regelmäötig te vinje



LAOVEND KTASIE!



op 't voetbalveldj van SHH Herte wó hae in de E1 sjepeelt. Noe 't eindelik nao lang wachte zowied is, verheug Niek zich enorm op de Vastelaovend, de Sjolefestasie, d'n optoch, de resepsies en alle anger leuke ivvenementen die gaon kómme en wó det ter same mit 't Oetträkkend Gezelsjap van D'n Uul nao toe kin.

Niek haet twee adjudante gekaoze wó hae heel good mit bevrendj is. Ver zóolle ze aan uch veursjtelle. Adjudant Steef Heuvelmans is op 2 mei 2006 toes in 't Vriejveldj gebaore en is nog net 10 jaor. De eljers van Steef zeen gein ónbekinde binne D'n Uul. Det zeen namelic Lars Heuvelmans, Aad Adjudant van Aad Sjtadsprins Allard I Schmitz, en Petra Bongaerts. Steef is de eerste kleinzoon van Aad Sjtadsprins Jan II Heuvelmans. Ouch Steef zit in groep 7 van de Willem de Zwiegersjool. Steef haet net wiej Niek ouch ein jónger breurke van 8 jaor, Loek. Steef is ouch 'ne voetballer, sjepeelt ouch in de E1 mer dan biej SVC in Neel. Steef sjepeelt ouch gaer op de Xbox, hae sjepeelt gaer boete óm lekker same te voetballe en same online Minecraft sjepele vindj Steef ouch erg leuk. Hae vindj 't super sjiek óm adjudant te moge zeen van Sjtadsjeugprins Niek I.

Adjudant Krijn de Groot is 11 jaor en de zoon van Robin de Groot en Mieke Lennaerts. Hae is op 30 oktober 2005 gebaore in de binnesjatd van Remunj, mer woont noe in 't Katerriek in Neel. Krijn zit in groep 7 van Basissjool Neel biej juf Steffi en juf Cecile. En jaowaal heur... ouch Krijn haet 'n breurke van 8 jaor, Chris. 't Liek waal es det de eljers dit óngerling hobbbe aafgesjprroke! Krijn haet dezelfde hobbies es Niels en Steef zo wiej game, voetballe, minecraft sjepele en ouch nog Pokémons vange. Krijn haet 'ne hele leve hondj, Max, wó der heel good veur zorg en wó der väöl plezeer mit haet. De mama van Krijn haet ter veur gezorg det veer in 'ne fantastische Prinsewage kinne rieje. Krijn vindj 't erg gaaf óm biej D'n Uul de adjudant van Sjtadsjeugprins Niek I te moge zeen.



Alles biejein 'n zeer bezónjer gezelsjap wó vrunjsjap, zich ammezere, voetballe en genete van 't laeve hoog in 't vaandel sjiteit. Sjtadsjeugprins Niek I geit same mit zien adjudante Steef en Krijn heel gaer genete van de Vastelaovend mit de liefsjpreuk:

Ammezasie... Vastelaovend is een grote traktasie!

veer Wie R

D'n Eerste

Sjadsjeugprins van Remunj;

Bij de graciej van Sjadsvaste laovésvereniging D'n Iul in 't jaor 2017.

Gebaore es iche Remunjse jong opgegreujd
en woonechtig in 't Remunjse Vrijveldj. Speler van de
EL van SHH te Herte en dônaeve fanatikke Minecraft gamer
en pokémon zeuker blej oetsjek! Zoon van Aad Adjudant en Aad
Sjadsjeugprins Serf en Karin en grote
broor van Sam.



GAEVE ICH HIEJBIEJ TE KINNE EN TE VERSJTAON



KINNE EN TE VERSJTAON

- det veer dit jaor **traktene** vastelaovend en Sjads-
 - det vastelaovend ech
- det dit jaor de **kienjer bedtied** mit
• det dit jaor week eine "Baend"
 - det persies zo jaor later nog astied
 - det "gaeve" doks sjoner is es kriege.
 - det **traktene** op ein kuijtje ouch oppe **kinemes** meuge lik is.
 - det 't laeve ein grote **traktasie** is, maar veer t neet astied kedo kriege.
- det **SHH** en **SVC** doort jaor hãok **konkurrante** zein, maar dese vastelaovend **handj** in **handj** gaon.
 - det alle kienjer van gans groot Remunj nich allemaol aere leef zein.
 - det ammerzexe biej **Steef, Kacijn en mich** ech in 't blood zit.

— dit alles ónger oze liefsjpreuk: —

Ammekasil

VASTELAOVEND

IS
EIN



GROTE TRAKTASIE!

Galerie van (aad)jeugprinse mit häör adjudante

Kiek veur de foto's
van de ajere aad
jeugprinse en häör
adjudante en ouch
veur de interviews
op www.dn-uul.nl

2014

Sem I, adjudante Rutger en Christophe
en Prinselike Assistent Renske



2015


Toss I en adjudante
Eunice, Sem en Jesse



2016

Sjors I en adjudante
Mick en Scay

Mit Oome Naad nao de



Deze Vastelaovend gaon ich, es God bleef, veur de zeve en veertigste keer mit de Jeugdprins, zien adjudante en de Kienjergarde op vastelaoveszaoterdaag euver de kirmes. De riddaksie van de Ulewapper vroog mich óm noe ins op te sjrieve wie dees tradisie toet sjtandj is gekómme en det doon ich mit plezeer.

Veer sjrieve 't jaor 1971 en ich zat de eerste sjtappe in de organizasie van de vastelaovend. Óm 't verhaol dudelik te make mócht ich allereers get vertélle euver de organizasie van de Vastelaovend in Remunj in dae tied. Remunj kinde zeve offisjeel Vastelaovesvereiniginge te weite: D'n Uul, de Veldjmuus, de Kaketoes, de Katers, Koelbertus, de Tuinhagedisse en de Nachtegale. Dees vereniginge wirkde mit oetzunjering van de Katers same in de Vörsteraod wovan Jo Hansen veurzitter waas en de titel Grootvórs veurde. Nao 't aaftraeje van Vórs Rein in 1968 had D'n Uul geine Vórs, Thijs Bingen goof leijing aan D'n Uul es veurzitter (tosse häökskes: Thijs waerde toet Vórs gekaoze nao 't aaftraeje van Jo Hansen es Grootvórs in 1973).

Op vastelaoveszaoterdaag kwaam de Prins óm drie oer aan oppe sjtasie en waerde óntvange door 't kómplete Ulegezeljschap: Raod van Ellef, Prinsekapel, Damesgarde, Jeugdprins en Kienjergarde. Daonao ging 't in ein feestelike optoch same mit ónger angere de Veldjmuus, de Kaketoes en Koelbertus nao het sjtadhoe. Op 't sjtadhoe waerde dan de Grootvórs geïnsjalleerde door borgemeister Custers en daonao insjalleerde de Grootvórs de zes aanwezige Prinse. Toet besjoet sjprook dan de Prins van D'n Uul en heel de besjtuurders van de sjtad ein ludieke sjpegl veur.

Toen de machseuverdrach dae eerste keer veur mich veurbieb was en ederein mit ein glaeske in de handj sjtóng, zag de Grootvórs taege mich: Naad, es doe noe ins mit de Jeugdprins van D'n Uul en zien Garde de kirmes op geis. Zegk mer aan de exploitante det 't tradisie is det de Jeugdprins de kirmes äöpent door eine keer mit zien Garde van alle attraksies gebroek te make. En aan het inj gufs doe de kienjer get oet de sjlökkaom en hae goof mich zien portemonnee, want die had ich es adjudant neet. En zo gebeurde 't.

Ich ging dus mit de Jeugdprins en zien Garde de kirmes op en alle exploitantante wirkde fantastisch mit. De Jeugdprins en zien Garde ammeseerde zich veurtreffelik en 't waas ein leuke ervaring. Allein had ich netuurlik de borrel op 't sjtadhoe gemis. En det waas 't begin van de tradisie, want ich höb det nao 1971 alle jaore es adjudant van de Grootvórs, mer ouch es Prins van D'n Uul, Vórs en noe Broor van D'n





Kirmes

Uul veurtgezat. 't Tiedsjipt is get verangerd. De eerste kere waas 't zo sjmiddags óm ein oer of vief. Mer in de jaore det de óntvangs op 't sjfadhoes nao de morgé is verplaats is de róndgank de lèste jaore zo róndj de middaag. Langzaam mer zeker is het "Mit Ome Naad nao de kirmes" gaon heite.

't Sjent wirkelik zo te zeen det de kiendjes eder jaor weer vraoge of ze dit jaor ouch weer mit Ome Naad nao de kirmes gaon. Ich veul mich vereerd. En terwiel de kienjer zich ammezere sjeit de begeleijing aan de kantj te kieke en haje mótsen en teskes en zo in bewaring. Waat de begeleijing betruf dink ich hiej spesiaal aan Stella Bergh-Straus, Harrie Verheesen en Huub Hammer. In de jaore det Stella Bergh-Straus der nog biej waas ginge Stella en ich altied same in de röps wo-in Stella toch waal doodsbang woor. De kienjer moogde van Stella neet in de boetsauto's; det waas väöls te geveerlik, volges Stella dan.

Det is noe waal angers. De kienjer moge euveral in mer allein gaon veer neet nao de goktente. Netuurlik móts ouch de broor van D'n Uul aaf en toe mit in ein van de attraksies. Gein probleem, ich kin euveral taege, mer soms is de teleursjtèlling biej de kienjer waal groot es Ome Naad te ómvangriek bliek veur kleine sjteukles en de beveiligung neet kint waere gesjlaote; dan geit 't neet door. Mer altied is 't ein plezeer, dit oetsjepke euver de kirmes. Sommige kienjer wil of durve neet in bepaolde attraksies mer det is gein probleem, ederein is vriej. 't Bezoek aan de sjlóktent is 't vaste eindpuntj van róndgank en dao moog ederein get oetzeuke. Sjlók aetend bedanke de kienjer mich en is 't tochje veur det jaor weer veurbiej.

In 2014 biej de veer en veertigste keer waas het ganse besjtuur, de Prins en de Prinsekepel oetgerök óm aan det jubeleiem ein biezónjer kachet te gaeve. Jaorliks is 't veur mich ein van de hoogtepuntje van de Vastelaovend. Ich bön dankbaar veur de begeleijing van de kienjer die dit eder jaor weer perfekt regelt en ouch veur al die kirmes exploitante die eder jaor weer sjportief mitwirke.

Ome Naad
Aad- Vors en Broor van d'n Uul



UULE-RECEPT



'T RAEGENT... GEHAKBELKES IN TOMATESAUS

NEUDIG

- 1 kg half-óm-half gehak
- 2 eijer, peneermael, gehakkruje
- Champignons (bekске of meer)
- 1 roje paprika
- 1 gaele paprika
- 1 greune paprika
- 1 ooj
- Crème fraiche
- Bouillonblökske
- Tomatepuree
- Tomate oet blik
- Evt. ketjap of tabasco

Ming gehak mit 2 eijer, kruje en peneermael en maak d'r klein belkes van. Die belkes bakke

Sjnie de paprika, ooj en champignons. Naodet de belkes gebakke zeen (evt. belkes oet de kaeotel en greunte d'r in) baks se de greunte. Doot de tomatepuree, tomate oet blik en bouillonblökske d'r bie. Daonao de gehakbelkes d'r bie. Op sjmaak bringe mit ketjap, crème fraiche (en evt. tabasco). Heel lekker mit Turks brood of sjtekmik.



**SJMAEKLIK
AETE!**

MAX @THE MOVIES

'T ZUUT D'R NAO OET DET 'OZE' MAX KLAVER (LETTERLIK) HÉL OP WAEG IS ÓM DE NUUJSTE ACTIEHELD IN SJPEELFILMS TE GAON WAERE. BIENAO DAGELIKS KRIEG MAX AANBEEJINGE VAN GROTE FILMSJTUDIJOOS OET HOLLYWOOD EN DE BE-DRAGE DIEJ DAOBIEJ VEURBIEJ VLEEGE LOUPE IN DE TEENTALLE MILJOENE DOL-LARS. DET ZAET AL GET EUVER 'T TALENT WAAT DIEJ IN OZE MAX ZEEN.

Op aandringen van de waereldberoemde regisseur Steven Sjpeelberg zellef haet Max aafgeloupe jaor al ein actiescene gesjpeeld in "Flikken Maastricht". Diej scene waas door 't talent van Max zóóó sjpektakulair det zelfs de hoofrolsjpelers daobiej kleuterkes leeke. Daoróm is achteraaf besjlaote óm de scene toch maar neet oet te zende.

Veer höbbe neet allein hiejonger get foto's van de scene, maar veer höbbe zelfs de ganse scene óm te bekike. Det kint geer doon door mit eine smartphone de QR-code te scannen en dan kint geer op eine ziwaor geheime site 't ganse filmke bekike.

KEVIN VREUG AAN DE MEISTER:
"MEISTER, KINT MEN OUCH SJTRAOF KRIEGE VEUR GET WAAT DESSE NEET GEDAON HÖBS?" WÓ OP DE MEISTER ZAET: "NETUURLIK NEET, JÓNG".
"GELÖKKIG MÉR" ZAET KEVIN.
"WANT ICH HÖB MIEN HOESWERK NEET GEMAAKI!"

MUPKE!

FLIKKEN
★ MAASTRICHT



De Uulle Gezet

Oppe foto mit Vleisboeket

Veer vinje Vleisboeket helemaol geweldige en zeen grote fan van häör. Ziej höbbe superleuke leedjes en de jonges vinje veer heel leuk. En doe kins good danse op häöre meziek.

Óze top 3:

- 1 Bille De Kleijerkas
- 2 Ein Dingk
- 3 Sjuuf Trek Blaos Klep

En veer haope dit seizoen mit alle jonges saame op de foto te kinne.



Wo det veer 't leefste aete mit de vastelaovend

Door Emma, Puk & Fleur

Veurig jaor höbbe veer al oze top 4 in frietkraome bekend gemaak. Dit jaor höbbe veer ós óngerzeuk ins gerich op de get oetgebreidere aettente mit meer gezónje keuze of combinasies in de 'schijf van vijf', mer veural erg lekker.




Op oze 3e plek sjiteit Doedels

Doe kriegs hiej lekkere breudjes en get gezondjjs, mit de vastelaovend kin det ech gein kwaod. *



Op de 2e plaats sjiteit Jaffa

Veer vinje 't hiej zo lekker door de väöle variasies d'r is vanalles en nog get van Shoarma toet euverheerlike pizza's. *



En op oze nómmer 1 sjiteit dan ech Wieck.

Ze höbbe hiej ech super lekkere burgers en frietjes, zeker eine aanraojer. *

De Uule Gezet

De lekkerste Friet

Veurig jaor höbbe v'r e sjtökske gesjreve euver de lekkerste friet dae v'r in Remunj kinne kriege. Dao-bie hadde v'r de Fritessalon van Guus op nummer 1 gezat.


Guus kreeg väöl reacties en vónj 't leuk det v'r hem op 1 hadde gezat. Daoróm had Guus ós oetgeneijd óm lekkere frietjes bie hem te kómme aete. Det wólle veer waal en jao heur, de friet waar super lekker!

Danke, Guus!!!! En mesjiens zeen v'r ós deze Vastelaovend weer. *



Puzele

Welke waeg mótt gepak waere óm oet deze doolhaof te kómme?



UULE ART

Brooddeig Uulkes

Leuk óm örges op of in te hange

(kérsgoum volgend jaor)

Resep veur 't brooddeig

- 500 gram witte Bloom
(geinzelfriezend mael)
- 250 gram zalt
- 250 ml water
- 1 aetlaepl aolie

Eers de dreuge ingredieënte biej mekaar doon en minge. Daonao maaks se ein kuulke in 't midde en sjöds se 't water en de aolie d'r in en mings se alles, lekker mit de henj, door mekaar. Is 't deig te naat dan get ekstra bloom en is 't te dreug get ekstra water.

Dan rols se 't deig oet mit de deigroller toet een diekthe van 3mm. Gebroek ein róndj vörmke óm de basis van 't uulke te make.

Sjtap 1 Daonao kinse mit ein klein róndj vörmke oppe boek van 't uulke halve rundjes make.

Sjtap 2 Esse dao mit vaerdig bös vaaj dan de twee boeteste kenj nao binne, zowie es oppe foto.


Sjtap 3 Vaaj de baovekantj nao ónger en maak aan de baovekantj twee klein eurkes.

Sjtap 4 Maak twee uigskes en 't sjnaevelke en vergaet 't gætje neet óm 't uulke sjtrakkies te kinne ophange

KIM KUMP THOES MIT EIN
SJLECH RAPPORTE."VEUR ZO'N
RAPPORT LIEK MICH VEER WAAKE
HOESARRES WAAL OP ZIEN PLAATS!"
ZAET VADER KWAOD. KIM ANTJWAORD:
"DET LIEK MICH EIN GOOD
IDEE PAP. ICH WEIT WÓ
DE MEISTER WOONT."

MUPKE!

Heel väöl
plezeer mit
't knutsele



De Jeuggarde



De nuje sjtelle zich veur; van links nao rechs:

Ich bön **Puk Tromp** en 12 jaor jónk.

't Leefste aet ich de heerlijke hamburgers van Wieck.

Ich höb geine sjpecialie arties, ich vinj alle vastelaovesmeziek leuk.

Ich bön **Luca Manders** en ich bön 12 jaor jónk.

't Leefste aet ich: wraps.

Welke artieste mit de vastelaovend: Vleisboeket netuurlik!

Hoi, ich bön **Evie Boersma** en ich bön 13 jaor.

Mie leefste aete is pizza en friet.

Mit vastelaovend loester ich gaer nao de leedjes van Vleisboeket.

Hoi, ich bön **Fay Geraedts**, ich bön 12 jaor.

't Leefste aet ich pizza.

En 't leefste loester ich nao Vleisboeket.

De Jeuggarde van links nao rechs:
Puk Tromp, Luca Manders, Ivy van Elven,
Lisa Willemsen, Fleur van der Varst, Emma
Stiphout, Fay Geraedts en Evie Boersma.



En dan sjtelle zich nog de begeleidsters van de Jeuggarde veur:

Links: Esther Willemsen
(moder van Lisa Willemsen)

Rechts: Trainster en Begeleidster:
Fon van Bommel-Custers



D'N UUL PRIZZENTEERT

P.i.P.

van de Prins in de Pöt
en de Raod van Elf-kes



Kienjermusical D'n Uul

19 fibberwarie 2017, 13.30 en 15.30 oer

Theaterzaal de Oranjerie

D'r waar ins...

E klein kesjeelke. Sjterker nog: 't allerkleinste kesjeelke in 't allerkleinste en fijnste keuninkriekske... Toch neet kesjeelke Hattem in Ruremonde? Gao zeker waal!! Dao woonde lang, heel lang geleje, 'ne keuning, 'n keuningen en häöre zoon... Maar 't ging neet zo good op kesjeelke Hattem. Waat waar d'r dan mis, vraog geer? Nou, bès väöl! De keuning en keuningen van Ruremonde zeen blut. Harsjtikke blut!! Wie det kump?

Det zit zo: edere prins zit op e paerd, of op 'ne troon. Aevel neet häöre zoon, dae zit in de pöt. Al 25 jaor! Tja, waat duis se dan? Alles netuurlik! Alles om dien insigste ougeppelke maar oet die pöt te kriege! Tevergaefs...

*Toet euvermaot van ramp brik d'r ouch nog ins oorlog oet!!!
Maar wie kins se 'ne oorlog winne zónger leger?*

Is dit 'n akelig, zielig en vervaelend verhaol? Nae heur, want nieks is waat 't liek en sóms blyeke de echte helje de gekke ónger ós te zeen. 11 helje óm persies te zeen! En oeteindelik kump alles good! D'r wurt vree gesjlaote en zelfs.... getrouwdi!

Nuusjerig? Dan móet geer 19 februari zeker kómme kieke nao oze super-gave Kienjermusical :

P.I.P.

Van de Prins in de Pöt en de raod van elf-kes.

Meer dan 90 kienjer en 7 volwassene sjpele, danse en zinge mit väöl euvergaaf en pleezer dees veursjtelling veur uch in de prachtige theaterzaal van de Oranjerie.

Geer gaot genete van vette danse, prachtige leedjes, väöl humor, e sjtökske historie, e fantas-tisch decor, 'ne lach en 'n traon en veural netuurlik van eur eige kienjer, kleinkienjer, buurmaedje of buurjungske.

Veer neudige uch van herte oet!

Kaarte zeen veur € 9,- per sjtök verkriegbaar aan de receptie van de Oranjerie of via häöre website online!

UULE-RECEPT

'T RAEGENT... PALATSCHINKEN (OPGERÓLDE PANNEKOOK)

As biedraag veur de Uulewapper dit jaor höb ich veur uch 'n heerlik recep veur 'n echte Oosteriekse Palatschinken.

Eder jaor is 't weer keze: gaon v'r op wintjersjport of gaon v'r toch weer lekker vastelaovend viere? Waat hulp óm de keus dan netuurlik toch weer op vastelaovend te laote valle is, des se neet allein schnitzels in Remunj kins aete, maar ouch zó'n euverheerlike Oosteriekse 'Palatschinken'.

(Eigelik is 't geweun 'ne opgerólde pannekook, maar 'Palatschinken' klink zo lekker euver-de-grens.)

WAAT HÖBS SE D'R VEUR NEUDIG:

- (Besjlaag veur) eine pannekook • Vanille-roumies
- Chocoladesaus • Sjlaagroum
- 'n Aardbei of anger lekker vruchske

Bak de pannekook. Lik 'm op 'ne veurverwermde teijer. Sjöp twee bulkes ies midde op de pannekook. Ról de pannekook op. Sjprinkel d'r chocolade-saus euverhaer. Garnere mit 'ne flinke toef sjlaagroum en e lekker vruchske.

Klaor is de 'Palatschinken'!
Mmmmmmm!!!!



SJMAKELIK AETE!

Groetjes van Zoë (Kienjergarde)

't Óntsjaon van de Jeuggarde

In gesjprek mit Wilma Favre

't Idee van de Jeuggarde van noe is van Marcel en mich. Veer zoge dökker 'n Damesgarde mit maar 5 maedjes en dachte det mit 'n Jeuggarde die ouch bie 't oettrèkkend gezelsjap zól heure, me 'ne kweekviever zól höbbe veur de Damesgarde. Veur dees Jeuggarde waar d'r al 'n Jeuggarde (dansgrupke) opgerich door Annette Engelen die aaf en toe op 'n eige ivvenement dansde.

Oos eerste trainsters ware Mandy en Jessica, Damesgarde maedjes, hiebie sóms ónger-sjeund door Bart Segers. Gerda Schuman en ich ware de eerste begeleidsters.

De meziek móos waal get leuker en moderner zeen ómdet de maedjes toch pubers ware, daoróm ouch in eerste instantie anger pekskes óm te danse.

Aan de kleijing höbbe v'r met 5 dames (Moniek Janssens, Riet Brabander, Frieda Cost, Gerda Schuman en ichzelf) nao 't óntwerp van Sonja Hermans (zie is gesjtórve) maonje gewèrk in 'n tuinkamer bij Moniek thoes. V'r höbbe alles zelf gedaon, sjtòf gekoch, óntwerpe gemaak. In 't begin hadde v'r anger kleijing óm te danse en kleijing wo-in v'r mittrokke. Det waar erg ónpraktisch dus det höbbe v'r flot aafgesjaf.

Sybert van Keeken haet veur 't geldj gezorg via sponsoring en Marcel waar veurzitter van de jeug en haet toen alles geregeld mit 't besjtuur, want det sjtóng hie in 't begin sceptisch taegeneuver. Maar naoderhandj zoge ze 't nut van 'n Jeuggarde zeker in, óm daomit 'n good gevulde Damesgarde te höbbe. Bie-nao alle maedjes oet de Jeuggarde zeen ouch in de Damesgarde gaon danse.



JEUGGARDE D'N UUL, KIEK INS WAAT DIE SJTRAOLE! (2007)
Michelle van Cruchten, Fabiana Prestigiacomo, Fleur Favre, Melinda Engelen, Lian Schuman, Maud in 't Zand, Maartje Nass, Loike Heijnen, Janou Sijbers, Eline Jorissen, Charlie Noijen, Yvette Meijs, Yvette Bennink

De kienjergarde van Sjtadsvast

Noor van der Varst

11 jaar | Italiaans aete |
alle vasteloavesmuziek



Bibi Frencken

10 jaar | Friet oorlog
en Sushi | Alles waat mit
de Vastelaovend te
maake haet



Charlotte Schmitz

8 jaor | Friet mit frikandel/
breudje knak |
Vleisboeket



20

Bjork Smeets

10 jaor | pizza margarita |
Vleisboeket



Elisa Prestigiacomo

8 jaor | Breudje knak |
Alles waat mit de
Vastelaovend te
maake haet



Nina van Etten

8 jaor | Breudje knak |
Vleisboeket



elaovesvereniging D'n Uul 2017

Floor Stroeken

8 jaar | Friet mit
cheesburger / Pizza |
Vleisboeket

Sara van Etten

7 jaar | Pizza mit
salami | Vleisboeket

Vienna

Prestigiacomo

8 jaar | Breudje knak |
Alles wat met de
Vastelaovend te
maake haet

Maud van Etten

9 jaar | Friet mit
kaassoufle |
Vleisboeket

Jenna Jambroers

10 jaar | Pizza of
friet mit frikandel |
Vleisboeket

Sophie Opheij

9 jaar | Gehakbelkes op
't vuuske | Vleisboeket,
danze pauze

Zoë van Asten

11 jaar | Sushi |
Händjes in de lóch -
de Aanduujers

UULE ART

Eye-Designs

Dit jaor ins gein sjtap-veur-sjtap oetlik wiej des se ein bepaald óngerwerp kins sjminke, mer ein paar leuke eye-designs es veurbeeld óm uch op iedeje te bringe.



't Uule logo is es sjabloon te kriege biej D'n Uul door ein email te sjture nao info@dn-uul.nl en biej de Póppedokter Wiermans-Genang op 't Munsterplein. Tip om 't Uule logo op te bringe:

- sjmeer de achterkantj van 't sjabloon in mit Pritt, daonao plekse 't sjabloon good op 't gezich.
- mit eine sjpons op ein sjtekske de sjimink deppe en zeker neet te naat aanbringe
- 't sjabloon d'r aaf haole en 't zit perfek.

PUZEL

Sjtreep al dees wäörd door. De letters die euverblieve vorme ein klein zinke. Det is neet allein de oplossing van deze puzel mer wäörd veer uch winse!

ES SCAY MIT ZIEN MOODER
EUVER SJTRAOT LÖP IS D'R DE
GANSE TIED AAN 'T FLUISTE. ES
MAM VREUG WÓROM HAE DET
DUIT, ANJTWAAORD HAE "DET DIT
IS OM DE LEEWE OET DE BUURT
TE HAAJE". MAM ANJTWAAORD
DAO OP: "MÉR DAO ZEEN TOCH
GEIN LEEWE?" "ZUUSSE WAAL
DET 'T HELP?", ZAET SCAY.

MUPKE!



Aajhore
Bôntje Aovend
Dôrs
Effe get aete
Feepp
Flugel
Heringe
Lache
Leedjes
Mitzinge
Neet te kinne
Oetgaon
Optoch
Pekskes
Pilske
Recepsie
Remunj
Schminke
Sjpraekbuus
Sjtasieplein
Träöt
Vastelaovend
Wazel
Zaat
Zeivere



1 x 11 Uulewapper




Dit is de 11de edisie van de Uulewapper. Veer kieke nog ins trök op diej 11 jaor mit alle covers van de Uulewappers oet de veurgaonde jaore.

Alle Uulewappers zeen nog steeds digitaal
trök te laeze, in te kieke en te downloade op
www.dn-uul.nl/akteweel/uulewapper.





24





VÓRS DIRK SJTAP
DE BÖS IN EN VREUG AAN
DE SJEFÄR: " GAOT GEER
NAO DE SJTASIEFESTASIE?"
"NAE" ZAET DE SJOFFEUR,
"ICH MÓT GEWEUN WERKE"

MUPKE!



25



D'n Uul prizzenteert **SJNAPS- NAAZE BAL**

Sjpesjaal georganiseerd door de jeug veur de jeug!

Ouch dit jaor vindj 't traditionele Sjapsnaazebal
plaats mit es thema:

FINDING DORY & FINDING NEMO

D'r is meziek, d'r zeen kleurplate en d'r waere
sjielkes gedaon mit de kienjer, womit ouch prieze te
winne zeen. De Jeugprins zal zich ouch laote zeen,
same mit zien Kienjergarde en de Jeuggarde.

WANNEER	: ZAOTERDAAG 25, ZÓndaag 26, MAONDAAG 27 EN DINSDAAG 28 FIBBERWARIE
WO	: 'T WITTE KIRKSKE (VEURSJTAD)
WIELAAT	: 16:00 TOET 20:00
DOELGROEP	: 0 T/M 12
ANTREE	: GRATIES EN VEUR NIEKS!

TOET
DAN!





De taofel is laeg...

Harry en Hub zeen neet meer! Gekind höb geer häör zeker, dees twee echte Uule zote altied same aan de resepsietaofel zowaal biej de grote as ouch biej de jeugprins. Harry en Hub genaote daovan, ze maakde mit ederein een präötje en hele van achter oet alles in de gate. Dit ware men diej biej de kleine Uul eigelik neet weg te dinke zeen. Edere keer as veer mit 't klein gezelsjap oettrokke ginge ze mit.



Hub haet meer as 25 jaar de Jeugprins mit oetgezóch en begeleid. Mit zien ervaring kos hae det as geine angere (hae is zelf ouch Prins gewaes) en eder jaor droog hae det grote geheim maonje biej zich. Hub der veur det de Jeugprins neet ónger deej veur de grote Prins. Van achter oet de zaal zoogs se hem sjtraole, hae waas greuts op wat ter zoog.

Harry trok altied nao binne mit de maedjes van de Kienjergarde en zorgde detze op de juuste plek ginge sjtaon zodet ederein häör good kós zeen. Ouch zorgde Harry d'r veur det de maedjes oppe tied get te aete en te drinken krege. D'r zeen heel get Mama's van noe, diej wiej ziej noch klein ware en biej de Kienjergarde zote, door Harry begeleid zeen.

Harry en Hub ware biej de kleine Uul 2 aaj Eike diej neet óm te kriege ware. De Buim zeen noe gevallen mer de wortels zeen d'r noch. Harry en Hub haaje noe as 2 grote Uulesiterre 't Uuleriek mer zeker de Kleine Uul in de gate.

Veer wille häör dan ouch heel gaer bedanke veur alles waat ze gedaon höbbe en det is te väöl óm op te numme. Veer zólle häör heel erg misse!

De Kleine Uul



DÖBBELINTERVIEW

PRINS VAN D'N UUL MARNIX I

Waas 't al ooit 'ne druim van uch óm Prins te waere?

Vreuger wie ich 'n klein menke waas waal, mer de lèste jaore wilde ich eigelik allein mer adjudant waere. Mien vader zit bie 't AAS en es ich zo aaf en toe heur waat veur sjaele zeiver die verzinne, det is geweun te gek! En ich sjtaon ouch lever op de achtergrondj mich te ammezere dan det ich in de spotlights móet sjtaon.

Höb geer drek "jao" gezag of móos geer d'r nog effe euver naardinke?

Ich móos van mien vrouw hahaha. Dit is dink ich get waat ze dich mer eine keer in dien laeve vraoge, dan zou ich sjtóm zeen gewaes es ich 'nae' had gezag. En 't is netuurlik 'n bezónjer get óm 7 waeke mit mien bëste vrunj op sjtap te moge.

Wie zeet geer toet de keus van de leje van eur prinselik gezelsjap gekómme?

Mekkelik, dat zeen mien bëste vrunj ! Zónger häör zou ich 't neet gaon redde. Zowaal mit, es boete de vastelaovend zeer vief kammerödjes door diek en dun!

Noa welk ivvenement kiek geer 't meiste oet?

Verkesbal! Ich bön d'r al 100 jaor nao toe aan 't gaon, mer 't is d'r jaomer genógg nooit van gekómme. (Sjiekem kiek ich nao alle ivvenemente oet)

Gaot geer 't misse óm mit al eur vrunj vastelaovend te viere?

Nae, want die loupe de ganse tied naeve mich. En mesjensijsjloete d'r nog waal meer vrunj aan óngerwaeges es veer einmaol op sjtap zeen.

Waat vindj geer 't meis biezónjere óngerdeil van eur prinsepak?

Het sjtadswoope van Remunj achter op de cape. Det is veur mich 'n sjitterend symbool van de te gekke sjtad wo veer in woné! En die sjoon sjtevele netuurlik, die wil toch ederein!

Waat wilt geer de laezers van deze Uulewapper nog laote weite ?

Det mien gezelsjap en ich d'r ónwies väöl zin in höbbe, en det veer same mit ederein väöl plezeer moge gaon belave.



JEUGPRINS VAN D'N UUL NIEK!

Waas 't al ooit 'ne druim van uch óm Prins te waere?

't Is zeker altied miene druim gewaes óm Prins te waere. Miene pap haet mich hiej allein mer sjoon verhaole euver verteld! Hae is ouch Jeugprins biej D'n Uul gewaes in 1987.

Höb geer drek "jao" gezag of móos geer d'r nog effe euver naodinke? Gein moment euver getwiefeld; metein heel hel jao gerope!

Wie zeet geer toet de keus van de leje van eur prinselik gezelsjap gekómme?

Dit zeen mien bëste vrunj. Vastelaovend viere veer normaal ouch väöl same. 'n Logische keuze dus veur mich.

Noa welk ivvenement kiek geer 't meiste oet?

Es eerste netuurlik 't oetrope. Hiej dink ich al aan vanaaf det se mich gevraog höbbe. En det woar al in de zomer. Daonaeve netuurlik ouch de Sjolefestasie en de Sjtasiefestasie, resepsie en optoch!

Gaot geer 't misse óm mit al eur vrunj vastelaovend te viere?

Ich gaon nieks misse, want al mien vrunj zeen d'r biej. En det 't dit jaor net get angers is..... höb ich d'r netuurlik heel gaer veur euver!

Waat vindj geer 't meis biezónjere óngerdeil van eur prinsepak?

Heel biezónjer is 't det dit ein gans nuuj pak is. Ich moog 't es eerste drage! En dao bön ich enorm greuts op. Mer de móts mit vaere, cape en kruuts vinj ich extra sjoon!

Waat wilt geer de laezers van deze Uulewapper nog loate weite?

Ich wil alle laezers eine hele sjone vastelaovend winse en haop det ederein d'r net zo väöl van geit genete es ich det zal doon. Want vergaet neet: Ammezasie... Vastelaovend is ein grote traktasie!

JULES SJTEIT AAN DE BALIE VAN DE GEVÓNJE VEURWERPE. "HAET EMES HIEJ EINE FIETS AAFGEGAEVE?"
"JAO ZEKER JÓNG, WAAAT VEUR KLEUR?"
"EUH, LEEFS EINE BLAUWE".

MUPKE!



LEEF UULEJEUG EN VASTELAOVEND VIEREND JEUGDIG REMUNJ

Es geer toet hiej zeet gekómme mit laeze, is 't óngertösse zóndaag 15 jannewarie of nog get later. Óngertösse is veur uch dan ouch 't grófste geheim gein geheim meer, want de nuje Sjtadsjeugprins van Remunj en Jeugprins van D'n Uul is bekind! Ouch de "grote" Sjtadsprins is vanaaf veurige waek bekind, dus ós Uulegezelsjap is weer helemaal kómpleet. Det beteikent det veer uch allemaal weer ein gans sjiek Vastelaovessezoen geit beginne, al doert 't nog aeve veurdet 't ech Vastelaovend is, want det is pas inj fibberwarie.

Toch wil ich ouch nog aeve truukskieke nao 2016. Ich dingk det Sjtadsjeugprins Sjors I en Sjtadsprins Stefan I ós, same mit häör adjudante, eine sjitterende Vastelaovend höbbe gebrach. Zie ginge D'n Uul op ein sjieke wies veur en ware euveral enthousiast. Veural vónj ich 't sjiek óm te zeen det de ganse Uulejeug zoväöl plezeer had mit ós 2 Prinse. Geer höb same flink gedans en gesjprónge. Ich wil allebei de Aad Prinse mer ouch uch es Uulejeug daa heel erg veur bedanke, want det is **same** Vastelaovend viere!

Nao de Vastelaovesdaag waas de rès van 't jaor 2016 neet zo'n heel good jaor veur D'n Uul. Veer höbbe in 2016 namelik helaas aafsjied mótte naeme van 'n paar heel belangrike miense binne D'n Uul die heel väöl veur ós vereniging höbbe beteikend en höbbe gedaon. Twee van dees miense wil ich hiej nog ins biezunjer verneume ómdet ziej same altied veur de kleinere Uulkes klaor sjóngen en ouch altied same mit de Kienjergarde, Jeuggarde en Sjtadsjeugprins

op sjtap ginge. Harry Verheesen en Huub Hammer zólle dit Vastelaovessezoen helaas neet meer biej ós zeen. Ich weit ouch zeker det es de Uulejeug same op sjtap geit, ziej heel erg gemis gaon waere.

Gelökkig zeen der in 2016 behalve de Vastelaovend nog meer leuke dinger gebeurd. Aafgeloupe jaor geit namelik de Uulehistorie in es 't jaor det D'n Uul eine Jeugsirmoniemeester gekrege haet. In desember is Aad Jeugprins 2014, Sem I van Atteveld offesjeel gevraog óm Jeugsirmoniemeester te waere. Vanaaf kómmende waek geit Sem mit es de Uulejeug d'r op oet trèk. Ouch es de "grote en kleine Uule" same op sjtap gaon zal Sem derbiej zeen. Dan zal hae same mit Sirmoniemeester Marcel Favre, zorge det alles goed llop en det ederein euveral op tied is. Ich vinj 't sjiek óm te zeen det der zo sjteeds meer jónger miense bie D'n Uul kómmme. Neet alleen maedjes óm te danse mer dus ouch jónges. Mesjien mótte veer same mer ins gaon naardinke of veer dit nog meer kinne oetbreiye toet eine Jeugraad van XI. Es geer gooij iedeje hieveur höb, laot mich det dan weite en "trek mich mer aan de jas".

Dit Vastelaovessezoen is gelökkig 3 waeke langer es veurig jaor. Det beteikent det d'r meer tied is óm same leuke oetsjepkes te make en diej gaon veer mit de Uulejeug ouch zeker make. Net es veurig jaor zal ich es Vórs prebere óm zo dök es det geit ouch mit de Uulejeug same op sjtap te gaon. Ich haop det Vastelaovend vierend jeugdig Remunj d'r same mit Sjtadsjeugprins Niek I eine sjone tied van maak. Daoróm wins ich alle Vastelaovesvierders alvas väöl Vastelaovespleezer ónger ós Uulemotto '**'t Uulemaske pas ederein**'. En ederein op zien eige wies... mer waal **SAME!**

Vórs Dirk I





COLOFON

Hoofriddakteur:
Juulke

Riddaksie:
Hein Jambroers
Esther Verhagen
Roel Hendriks
Hetty Jacobs-Wiermans
Ton Hensen
Harry Allers

Mit dank aan:
Jeugprins van D'n Uul 2017: Niek I
Prins van D'n Uul 2017: Marnix I
Vórs Dirk I
Luca Manders
Wilma Favre
Naad Imkamp
Carla Klaver
Dagmar Cillekens
Emma, Puk & Fleur
De Jeuggarde
Karin Straus
Esther Willemsen
Marijn van Etten-Baars
Fabiana Prestigiacomo

Fotoos:
Dagmar Cillekens
Femieliej Van Asten-Straus
Femieliej Willemsen
Femielies van 't JPG
Foto Studio Bongers
Hoffotograaf Harry Allers
De riddaksie leje

Oetgaaf:
Sjadtadvastelaovesvereniging D'n Uul
Posbos 11, 6040 AA Remunj

Vormgaeving:
Ontwerpbuuro M
www.ontwerpburom.nl

Drök:
ARS Printmedia

Ketak:
www.dn-uul.nl
uulewapper@dn-uul.nl

Copyright 2016
Alle sjrieversrechte mit betrekking
toet de inhald van dees oetgaaf
waere oetdrökkelik veurbahaje.
Dees rechte beröste biej Sjadtadvaste-
laovesvereniging D'n Uul Remunj
ofwaal biej de betreffende sjriever.

VADER: "SJORS, LAOT MICH DIEN RAPPORT INS ZEEN!"
SJORS: "DET GEIT NEET, ICH HÖB "DET OETGELEEND
AAN EINE VRUNDJ. DAE WÖL ZIEN ÉLJERS INS FLINK
LAOTE SJRIKKE."

MUPKE!





D'N UUL PRIZZENTEERT

15-01-2017

**Middaag van de Nuuje
Sjtadsjeugprins |**
De Oranjerie , Salle de Fête



19/20/21-01-2017

Buute-Aovend Lachenderwies |
De Oranjerie , Theaterzaal

28-01-2017

Verkesbal | 't Sjoolpaad

29-01-2017

Resepsie Sjtadsjeugprins | 't Witte Kirkske

11-02-2017

UNS | 't Witte Kirkske

18-02-2017

Vastelaoveskirkdeens |
St. Christoffel Kathedraal

19-02-2017

Kienjermusical | De Oranjerie , Theaterzaal

24/25-02-2017

Sjolefestasie en Sjtasiefestasie |
Sjtasieplein

25 t/m 28-02-2017

Sjnapsnaazebal | 't Witte Kirkske

26-02-2017

Resepsie Sjtadsprins |
De Oranjerie , Salle de Fête

28-02-2017

Aaftraeje Sjtadsjeugprins | 't Witte Kirkske

28-02-2017

Aaftraeje Sjtadsprins | Roerkade

